

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
TRAVNIK

PRITVOR

Broj: T06 0 KT 0036565 24

Travnik, 13.06.2025.godine

KANTONALNI SUD NOVI TRAVNIK

-Sucu za prethodno saslušanje-

Potvrđena dana 16.06.2025.godine

Na temelju odredbe člana 45. stav 2. tačka i.) člana 241. stav 1. Zakona o kaznenom postupku Federacije Bosne i Hercegovine, podižem:

O P T U Ź N I C U

Protiv:

1. NEDIM KLEPIĆ,

- **nalazi se u pritvoru od 27.12.2024.godine u 03,30 sati**, po Rješenju Kantonalnog suda Novi Travnik od 29.12.2024.godine, **koji je produžen do 20.06.2025 godine do 03,30 sati**.

2. ALMIN KLEPIĆ, zv. „Pupa“

- **nalazi se u pritvoru od 27.12.2024.godine u 03,30 sati**, po Rješenju Kantonalnog suda Novi Travnik od 29.12.2024.godine, **koji je produžen do 20.06.2025 godine do 03,30 sati**.

Što su:

Nedim Klepić i Almin Klepić zajedno:

1. Dana 26.12.2024. godine u vremenskom periodu između 22,00 i 22,30 sati, u mjestu Donje Krčevine- Karaula, općina Travnik, po prethodnom dogovoru i zajedno, u namjeri da liše života oštećenog M.Z, kako bi osvetili A.K., sina Nedima Klepić, a stričevića Almina Klepić, kojeg je 2014. godine lišio života M.Z., gdje je osuđen Presudom Kantonalnog suda u Novom Travniku broj: *** od 19.01.2015. godine te zatvorsku kaznu izdržao, došli do ugostiteljskog objekta Udruženje penzionera Travnik-Klub Karaula u čijem sklopu se nalazi sportska kladionica, u kojem se u tom trenutku nalazilo više gostiju i zaposlenih, te nakon što se osumnjičeni Nedim Klepić uvjerio da se u objektu nalazi oštećeni M.Z., po ranijem dogovoru prvo u ugostiteljski objekat Udruženje penzionera Travnik-Klub Karaula ušao Almin Klepić sa pripremljenom pivskom bocom ispod jakne prišao oštećenom M.Z koji je sjedio za šankom i ne govoreći ništa oštećenom izvukao bocu ispod jakne i psujući mu bocom ga udario u predjelu glave, od čega se ista razbila, a potom uzeo stolicu koja se nalazila u objektu i pokušao udariti oštećenog M.Z, i nastavio ga udarati nogama i rukama, svjestan da tim udarcima može usmrtniti oštećenog M.Z i onesposobiti ga za odbranu, i htio to, od kojih udaraca je oštećeni zadobio oguljotinu kože u gornjem lijevom jagodičnom predjelu promjera oko 1.4x2cm i krvni podliv kože i potkožja unutarnje strane središnjeg dijela lijeve podlaktice promjera 3x4cm, i na taj način onesposobio oštećenog M.Z za odbranu, nakon čega je po ranijem dogovoru u ugostiteljski objekat ušao Nedim Klepić sa već pripremljenom automatskom puškom marke Crvena zastava, model M70AB2, cal.7,62x39mm, serijskog broja 252425, i krećući se prema šanku i usmjeravajući

dugocjevno oružje u pravcu oštećenog M.Z, koji je već bio onesposobljen za odbranu, na udaljenosti oko 1,5 metar, ispalio u njega tri hitca, a zatim zbog zaglavljenog metka u cijevi puške, okrenuo pušku i kundakom iste jako zamahnuo i udarao oštećenog M.Z. u predjelu glave, dok je isti sa prostrelnim ranama ležao na podu, svjestan da pucanjem iz vatrenog oružja iz neposredne blizine u tijelo oštećenog M.Z. može istog usmrtiti, i htio to, od kojih hitaca i udaraca je oštećeni M.Z. zadobio strijelnu ozljedu tipa zastrijela lijevog bočno tjemenog predjela glave, strijelnu ozljedu tipa zastrijela vrata i gornjeg dijela leđa sa ulaznim otvorom u koži desne bočne strane vrata, te strijelnu ozljedu tipa prostrijela grudnog koša sa ulaznim otvorom na njegovoj prednjoj lijevoj strani, zatim nekoliko prskotina kože vanjske strane središnjeg dijela lijeve uške, nagnječenje kože u predjelu prednje gornje bodlje crijevne kosti karlice desno i manji krvni podliv i oguljotinu kože nadlanske strane u gornjem dijelu desnog ručnog zgloba, koje nastale ozljede su usljed unutarnjeg iskrvarenja dovele do nasilne smrti oštećenog, nakon čega su osumnjičeni Almin i Nedim Klepić pobjegli sa lica mjesta u nepoznatom pravcu gdje je Nedim Klepić sa sobom odnio automatsku pušku iz koje je pucao, koja je prilikom vršenja pretresa od strane policijskih službenika MUP-a SBK pronađena i oduzeta po usmenoj Naredbi za pretresanje stana i drugih prostorija, osoba i pokretnih stvari Kantonalnog suda u Novom Travniku.

Dakle, drugog usmrtili iz bezobzirne osvete.

Nedim Klepić, sam

2. Dana 26.12.2024. godine u vremenskom periodu između 22,00 i 22,30 sati u mjestu Donje Krčevine, Karaula, općina Travnik, u ugostiteljskom objektu Udruženje penzionera Travnik-Klub Karaula, u čijem sklopu se nalazi sportska kladionica i u kojem se u to vrijeme nalazilo veći broj ljudi i to: vlasnik objekta B. S., N. S. N. B. C., E. Z., N. H., F. P., E. S., A. M., F. R., kao i drugi mještani Karaule i okolnih mjesta, ušao u objekat i iz neposredne blizine ispalio tri hitca u pravcu oštećenog M. Z. iz automatske puške marke Crvena zastava, model M70AB2, cal.7,62x39mm, serijskog broja 252425, koji se nalazio za šankom sa drugim osobama, svjestan da pucanjem iz vatrenog oružja-automatske puške na mjestu gdje je okupljen veći broj ljudi može izazvati opasnost za život tih ljudi i iste ozlijediti koji mu se nađu na putu i pristao na to, usljed čega su dijelovi ispaljenih metaka načinili udubljenja na zidu objekta, gdje je time izazvao opasnost za život ljudi na mjestu gdje je okupljen veći broj ljudi.

Dakle, pucanjem iz vatrenog oružja izazvao opasnost za život ljudi na mjestu gdje je okupljen veći broj ljudi.

3. Dana 26.12.2024. godine u mjestu Donje Krčevine, Karaula, općina Travnik, suprotno odredbi člana 7. stav 2. i člana 8. stav 1. tačka a) Zakona o nabavljanju, držanju i nošenju oružja i municije SBK (Službene novine SBK/KSB 11/2000, 12/2014, 10/2022), neovlašteno nabavio i držao automatsku pušku marke Crvena zastava, model M70AB2, cal.7,62x39 mm, serijskog broja 252425 sa okvirom za municiju od 23 metka kao i protivpješađijsku minu-antimagnetna 2 (PMA- 2) sa eksplozivnim punjenjem i zaštitnim čepom, a koje oružje, municiju i eksplozivnu napravu je u ranijem periodu na neutvrđen način neovlašteno nabavio, svjestan da nabavka i držanje predmetnog vatrenog oružja, municije i eksplozivne naprave građanima uopće nije dozvoljena, i htijući to, nakon čega su policijski službenici MUP-a SBK postupajući po usmenoj naredbi za pretresanje stana i drugih prostorija, osoba i pokretnih stvari Kantonalnog suda u Novom Travniku od 27.12.2024.godine navedeno oružje sa municijom pronašli u pmv. marke Iveco reg. oznaka

K65-T-082, koji koristi Nedim Klepić, a u njegovom pomoćnom objektu-šupi pronašli eksplozivnu napravu, koje oružje sa municijom i eksplozivna naprava je oduzeta od osumnjičenog uz izdatu potvrdu o privremenom oduzimanju predmeta.

Dakle, neovlašteno nabavio i neovlašteno držao vatreno oružje, municiju i eksplozivne materije, čija nabavka građanima uopće nije dozvoljena.

Čime su počinili:

1. **Nedim Klepić**, kazneno djelo Ubistvo iz člana 166. stav 2. tačka d) u vezi sa članom 31. KZ FBiH, (opisano pod tačkom 1.), u sticaju sa kaznenim djelom Izazivanje opće opasnosti iz člana 323. stav 3. u vezi sa stavom 1. KZ FBiH (opisano pod tačkom 2.) i kaznenim djelom Nedozvoljeno držanje oružja ili eksplozivnih materija iz člana 371. stav 1. KZ FBiH (opisano pod tačkom 3.), a sve u vezi sa članom 54. istog zakona.
2. **Almin Klepić**, kazneno djelo Ubistvo iz člana 166. stav 2. tačka d) u vezi sa članom 31. KZ FBiH (opisano pod tačkom 1.).

Temeljem odredbe čl.78. KZ FBiH predlažem da se od osumnjičenih trajno oduzme i uništi i to:

I

Automatska puška marke Crvena zastava, model M70AB2, cal.7,62x39mm, serijskog broja 252425, sa okvirom za municiju i 14 metka, cal.7,62x39mm upakovana u kartonski omot zaštićen trakom za zaštitu dokaza sa naznakom „Automatska preklopna puška, “Zastava Kragujevac Yugoslavia” serijskog broja 252425, crno-zelene boje sa pripadajućim spremnikom u kome se nalazi 22 komada metaka kalibra 7,62 mm, ista otkačena u središnjem položaju na jediničnom opaljenju, *oduzeto po Potvrdi o privremenom oduzimanju predmeta MUP-a SBK od 27.12.2024.godine*“ -**Trag broj 2.**

II

- 1 mesingana puščana čahura ispaljenog metka, cal. 7,62x39 mm;
 - jedna deformirana košuljica puščanog zrna,
 - jedna mesingana puščana čahura,
 - jedna košuljica s dijelom deformiranog puščanog metka,
 - jedna mesingana puščana čahura
 - dva komadića bakrene košuljice ispaljenog metka kao i
 - folije za barutne čestice-Almin i Nedim Klepić
- sve upakovano u bijelu kovertu oznake „Trag broj 2.,3.,4.,5.,6.,7. i 10.“**

III

- Protivpješadijska mina- antimagnetna 2 (PMA- 2) sa eksplozivnim punjenjem i zaštitnim čepom.

Na osnovu naredbe člana 45.stav 1. i stav 2. tačka k.), člana 151.stav 1. ZKP FBiH i 146.stav 1.tačka b.), c.) i d.)ZKP FBiH, podnosim Sudiji za prethodno saslušanje sljedeći:

**PRIJEDLOG
za određivanje pritvora nakon potvrđivanja optužnice**

Na osnovu člana 151.stav 1 ZKP FBiH iz razloga navedenih u članu 146.stav 1. Tačka c.) i d.) ZKP-a FBiH, podnosim prijedlog za određivanje pritvora nakon potvrđivanja optužnice protiv **osumnjičenih Nedim Klepić i Almin Klepić.**

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.